



N°6520
Reçu le 21.07.2022
Déclarée recevable
Président de la Chambre des Députés
(s.) Fernand Etgen
Luxembourg, le 21.07.2022

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 21/07/2022

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Minister fir Verdeedegung weiderzeleeden.

D'Armée deet sech zënter Jore schwéier, fir Zaldoten a Personal ze rekrutéieren. De Chef d'Etat Major sot an engem RTL-Interview vum 1te Juli 2022, dass ee mierkt, dass de Rekrutement méi schwierig gëtt, wann d'Konjunktur gutt ass an d'Aarbechtslosegkeet déif. An der Äntwert op meng parlamentaresch Fro n°1601 vun 2019 war och ugeklongen, dass a Joren, an deenen d'Verwaltunge vill Leit astellen, dës um Aarbechtsmaart mat der Armée konkurréieren. Eng Konklusioun, déi een doräusser zéie kann, ass, dass d'Armée insgesamt muss méi attraktiv ginn, fir um Jobmarché kënnen matzehalen. D'Chance dofir bitt sech, well de Minister wëll bis 2028 d'Militärausgaben op bal eng Milliard (1% vum Bruttoinlandprodukt) erhéijen.

An deem Zesammenhang wéilt ech dem Minister dës Froe stellen:

1. Opgelëscht pro Joer, zënter 2017, wéi vill Persounen
 1. ware fräiwëlleg Zaldote bei der Armée?
 2. ware professionell Zaldote bei der Armée?
 3. waren an ziville Karriären agestallt?
 4. si vun der Armée rekrutéiert ginn?
 5. hunn d'Armée verlooss?
 6. sinn a Pensioun gaangen?
 7. hunn d'Armée fréihzäiteg verlooss (Civil, SdtVol a Berufsmilitaire)?
2. Op déi lescht 10 Joer gekuckt, wéi vill Prozent vun den Zaldoten hunn hire Kontrakt vun 3 Joer net erfëllt a wéi vill Prozent kruten e verlängert?
Wéi vill Prozent kruten hire Kontrakt ëm 1 Joer nom Auslafen verlängert a wéi vill Prozent ëm 2 Joer, ëm 3 Joer, etc.?
3. Wéi vill Zaldoten a *Militaire de Carrières* feelen aktuell an de Reien am Verglach zu de Rekrutementspläng vun der Armée?
4. Wéi schonns erwäant, wäerten d'Militärausgabe bis 2028 op 1% vum PIB erhéicht ginn. De Minister hat och schonn d'Beräicher presentéiert, an deenen een d'Armée verstärke wëll. Dorënner falen, den Dokumenter op *gouvernement.lu* no, folgend



www.piraten.lu

Punkten:

- *Acquisition du matériel et des équipements militaires nécessaires (Systèmes de communications, véhicules, armements et munitions);*
- *Mise en place d'un stock de munitions selon les exigences OTAN;*
- *Mise en place de l'infrastructure nécessaire pour le soutien du bataillon.*
- *Assurer le maintien en condition, la modernisation et le développement de nos capacités existantes (A400M / MRTT);*
- *Continuer et développer la contribution luxembourgeoise aux programmes de surveillance aérienne de l'OTAN (AWACS - Alliance Ground Surveillance (AGS) - Alliance Future Surveillance Concept (AFSC)) afin de garantir leur opérationnalité;*
- *Soutenir et développer la fourniture de service (ISR/Evacuation Médicale/Transport) à nos partenaires au sein des organisations dont le Luxembourg fait partie.*
- *La poursuite et le développement des capacités des systèmes aériens de surveillance et d'observation pilotés à distance (UAS/RPAS);*
- *L'élargissement et le développement de nos capacités dans le domaine spatial en ligne avec notre Stratégie spatiale de défense, publiée en 2022:*
 - *Communication satellitaire (SATCOM)*
 - *Earth Observation (LUXEOSys)*
 - *Space Situational Awareness*
 - *Clean Space*
- *Le développement de nos capacités de défense et de sécurité cyber;*
- *Les investissements dans l'infrastructure militaire à travers:*
 - *[...]*
 - *La rénovation et le maintien de l'infrastructure militaire nationale et internationale au Luxembourg.*

1. Wéi verdeelen sech déi zousätzlech Militärausgaben op déi hei uewe genannte Beräicher?

2. Wéi personalintensiv sinn déi virgestallte Projeten? Muss d'Arméi dës Spezialisten (z.B. Défense spatiale) rekrutéieren a falls jo, existéiert hei eng Strategie, fir déi richteg Profiller kënnen ze rekrutéieren?

5. Existéiert eng längerfristeg Visioun, fir déi ënnescht Karriären an der Arméi a fir den Zaldot an den nächste 5 Jore méi attraktiv ze maachen?

6. Existéiert eng längerfristeg Visioun, fir d'fräiwëlleg Zaldoten no der Durée de Service laangfristeg un d'Arméi ze bannen?

Mat déiwem Respekt,



GOERGEN Marc

Député

